

### izazov

U društvima koja se suočavaju sa političkom tranzicijom ili post-konfliktnim pomirenjem i izgradnjom, neizvjesnost o sudbini nestalih osoba često predstavlja prepreku mirovnim procesima i potpunoj implementaciji vladavine zakona, te slabi povjerenje u demokratske i političke institucije. Rješavanje sudbine nestalih osoba je problem od ključnog političkog značaja koji je integralan za razvoj efektivnih, odgovornih i pravednih institucija.

### mandat

ICMP se trudi da obezbijedi saradnju vlada i drugih organa vlasti pri lociranju i identifikovanju osoba nestalih tokom oružanih sukoba, drugih neprijateljskih dejstava ili kršenja ljudskih prava, te da im pruži pomoć pri sprovođenju ovih aktivnosti. ICMP takođe podržava rad drugih organizacija u njihovim aktivnostima, podstiče uključivanje javnosti u ove napore i doprinosi razvijanju odgovarajućih oblika komemoracije i poštovanja prema nestalim osobama.

### široj svijeta

ICMP, sa trenutnim sjedištem u Bosni i Hercegovini, gradu Sarajevu, angažiran je na prostoru Zapadnog Balkana, Bliskog Istoka, Latinske Amerike i Jugoistočne Azije. Osim što pomaže državama koje se suočavaju sa problemom nestalih usljed kršenja ljudskih prava, ICMP pruža pomoć i u slučajevima katastrofa. ICMP je nedavno bio angažiran na Filipinima nakon udara tajfuna Frank, u područjima Jugoistočne Azije koja su pogođena cunamijem te u saveznoj američkoj državi Louisiani nakon uragana Katrina.

### izgradnja kapaciteta

ICMP pruža vladama tehničku pomoć pri lociranju i identifikovanju nestalih osoba, što uključuje i upotrebu visokosofisticirane opreme za analizu DNK i forenzičku podršku u oblastima arheologije i antropologije. ICMP obezbjeđuje ovakvu tehničku pomoć na osnovu ugovora koji se potpisuju sa vladama-domaćinima ili organizacijama koje traže podršku ICMP-a. Uspjeh koji je ICMP postigao u razvijanju integrisanog naučnog pristupa rješavanju problema nestalih osoba učinio ga je liderom u primjeni forenzičkih nauka u službi istine i pravde. ICMP je korištenjem metoda za analizu DNK postigao preko 18.000 identifikacija od novembra 2001. godine do danas.

### izgradnja kapaciteta

ICMP pruža pomoć vladama u ispunjavanju njihovih zakonskih obaveza vezanih za problem nestalih osoba i doprinosi izgradnji institucionalnih kapaciteta. ICMP doprinosi razvoju tranzicione pravde, obezbjeđuje zakonodavnu podršku, te unapređuje kapacitete specijalizovanih ad-hoc tijela kao i institucija iz sektora pravde, uključujući tužioce, sudije, policiju i forenzičke stručnjake. ICMP takođe podržava razvoj mreža organizacija građanskog društva koje zagovaraju istinu, pravdu i prava članova porodica nestalih osoba.

### pomoć sudovima

ICMP se odaziva na zahtjeve za pružanje dokumentacije i stručnih izvještaja međunarodnim i domaćim sudovima u slučajevima vezanim za ratne zločine, zločine protiv čovječnosti, genocid i druge zločine prema međunarodnom pravu, a u skladu sa pravilima zaštite podataka i drugim zaštitnim mjerama ICMP-evih politika.

### istorijat

ICMP je osnovan na inicijativu američkog predsjednika Billa Clintona 1996. godine, nakon samita G-7 zemalja održanog u Lionu u Francuskoj. Prvi Predsjedavajući ICMP-a je bio bivši američki državni sekretar Cyrus Vance, a naslijedio ga je američki senator Bob Dole. Aktuelni predsjedavajući ICMP-a je Thomas Miller.

### komesari

Thomas Miller, predsjedavajući, predsjednik International Executive Service Corps

Willem Kok, bivši premijer Holandije

Njeno Visočanstvo Kraljica Noor

Visoko uvaženi Michael Portillo, bivši ministar odbrane Velike Britanije

Ambasador Rolf Ekéus, visoki komesar OSCE-a za nacionalne manjine

Carolina Barco, ambasadorica Kolumbije u Sjedinjenim Američkim Državama

James V. Kimsey, počasni predsjedavajući, predsjednik Fondacije Kimsey

### finansiranje

ICMP se finansira kroz dobrovoljne priloge, donacije i doprinose vlada Kanade, Češke Republike, Danske, Finske, Francuske, Njemačke, Grčke, Svete Stolice, Islanda, Irske, Italije, Nizozemske, Norveške, Poljske, Švedske, Svajcarske, Turske, Velike Britanije, Sjedinjenih Američkih Država i Evropske Unije. Fondacija „Charles Stewart Mott“ finansira specijalni projekat a operativni sistem i softver donirao je Microsoft.



ICMP  
Alipašina 45a  
71000 Sarajevo  
Bosnia and Herzegovina  
Phone:  
+387 (0) 33 280 800  
Fax:  
+387 (0) 33 280 900  
E-mail: icmp@ic-mp.org  
Web: www.ic-mp.org